



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Vniverso Clero & populo Cremonensi.

urn:nbn:de:hbz:466:1-20006

votionis affectum, & Rom. Ecclesia tuis efficacius possit intendere incrementis. Nos enim eis dedimus in mandatis ut apostolicam in te confirmantes doctrinam, reformatum quidquid invenerint reformandum, & tanquam membra capiti apostolicæ sedi conformantur, in ipsius devotione pariter & obedientia solidantes: per quos etiam Pallium, plenitudinem scilicet pontificalis officij, venerab. fratri nostro Dioclien. Archiepiscopo transmittimus, ut in partem nostræ sollicitudinis evocatus, sine defectu valeat officij sui debitum adimplere. Datum ut suprà.

Scriptum est super hoc in eundem ferè modum uxori ejusdem Regis. In e. f. m. nobili viro S. magno Iupano. In e. f. m. uxori ejusdem S. magni Iupani.

Epist. 527.

In eundem ferè modum Dioclien. Archiepiscopo usque ad verbum adimplere. Quibus etiam pro nobis & successoribus nostris fidelitatis juramentum, quod tibi sub Bulla nostra mitrimus inclusum, devote studeas & humiliter exhibere.

Epist. 528.

In eundem ferè modum Archiepiscopis, Episcopis, Abbatibus, Ecclesiarum Pralatis, & aliis Clericis per Dalmatiam & Diocliam in regno carissimi in Christo filii nostri Vulcani illustris Regis Diocliæ & Dalmatiae constitutis, usque ad verbum solidantes.

EPISCOPO ET CAPITVLO Tripolitan.

Epist. 529.

Vt Raimundo primò vacaturum canoniciatum & præbendam conferant.

Cum ex apostolatus officio, quod, licet indigni, suscepimus, ad universos extendere curam provisionis apostolice teneamus, specialius illis adesse volumus & debemus qui clericali militie deputantur: inter quos illos duximus non immerito præferendos, de quorum meritis laudabilis conversatio & contraria nobiscum familiaritas, dum essemus in minori officio constituti, nos efficit certiores. Hinc est quoddilectum filium Raimundum Clericum Ecclesiae vestræ, quondam familiarem nostrum, universitati vestræ solicite commendantes, rogamus attentiū, & per apostolica vobis scripta mandamus atque præcipimus quatenus eum pro reverentia beati Petri & nostra in Canonicum vestrum & fratrem tam libenter quam liberaliter admittatis, cum præbenda stallum eidem in choro & locum in Capitulo tan-

quam uni de vestris Canonicis, occasione, contradictione, & appellatione cessantibus, assignantes. Sic autem has primitias precum nostrarum reverenter admittere studeatis, ut devotionem vestram debeamus proinde commendare, & vos in vestris petitionibus efficacius exaudire. Alioquin venerabili fratri nostro Patriarchæ Antiocheno dedimus in mandatis ut vobis cessantibus efficere quod mandamus, ipse id, remoto appellationis obstaculo, exequatur, contradictores quoilibet ecclesiastica censura percellens. Datum Laterani II. Kal. Ianuarij.

Scriptum est super hoc Patriarchæ Antiocheno.

V N I V E R S O C L E R O & populo Cremonensi.

Qvia pietas promissionem habet vitæ quæ nunc est & futuræ, justus & misericors Dominus fideles suos, quos prædestinavit ad vitam, frequenter in hac vita glorificat, & semper in futura coronat; quibus & per Prophetam promittit: *Dabo vos in laudem, gloriam, & honorem in cunctis populis. & per se pollinetur: Fulgebunt iusti sicut sol in regno patris eorum.* Mirabilis enim in se ipso Dominus, mirabilis in sanctis, mirabilis in omnibus operibus suis, verum nobis exhibet suæ virtutis indicium, & frigescitatem jam in pluribus caritatis igniculum, mirabilem suorum signis accendit, assumptis in gloriam suam qui certaverunt legitime in hoc mundo, ad memorias eorum innovat signa, & miraculia juxta Prophetam immutat; ut qui sanctus est apud ipsum, sanctus etiam ab hominibus habeatur; & in hoc præsernit hæreticorum confundatur perversitas, cum ad catholicorum tumulos videant prodigia pullulare. Licet autem, juxta testimonium Veritatis, sola finalis perseverantia exigatur ad sanctitatem animæ in Ecclesia triumphantem, quoniam qui perseveraverit usque in finem, hic salvus erit; duo tamen, virtus videlicet morum, & virtus signorum, opera scilicet pietatis in vita, & miraculorum signa post mortem, ut quis reputetur sanctus, in militanti Ecclesia requiruntur. Nam quia frequenter angelus Satanæ se in lucis angelum transfigurat, & quidam faciunt opera sua bona, ut videantur ab

Epist. 530.
De S. Homoboni vita, miraculis, & coniunctione.
Vide Barnianum
ad diem 1. Novembris.

hominibus, quidam etiam coruscant miraculis, quorum tamen vita meritò reprobatur, (sicut de Magis legitur Pharaonis) & etiam Antichristus, qui electos etiam, si fieri potest, inducit miraculis suis in errorem, ad id nec opera sufficientia nec signa, sed cùm illis præcedentibus ista succedunt, verum nobis præbent indicium sanctitatis; nec immeritò nos ad ipsius venerationem inducunt quem Dominus suus ostendit miraculis venerandum. Hæc autem duo ex verbis Evangelista plenius colliguntur, ubi de Apostolis loquens ait: *Illi autem profecti prædicabant ubique Domino cooperante, & sermonem confirmante sequentibus signis.* in eo namque quod ait *cooperante*, eos operatos esse demonstrans; & in eo quod sequitur *sequentibus signis*, eos exponens immo Dominum in eis miraculis claruisse. Hoc etiam Dominus usque hodie operatur in sanctis, & potentiam suam signis evidenter manifestat, dum vivorum curat ægritudines ad memoriam mortuorum, & eos plus posse post mortem, & feliciter vivere mortuos, qui in Domino moriuntur, quām qui vivunt in mundo demonstrat. Sane veniens ad præsentiam nostram venerabilis frater noster Episcopus vester, multis viris religiosis & aliis honestis personis de sua dioecesi comitatus, cuiusdam beati viri, & re & nomine Homoboni, vitam & actus necnon & modum transitus ejus humiliter nobis aperuit: in quibus & sanctæ ipsius degustavimus conversationis odorem, Deumque mirabilem & omnia opera ejus in fide cognovimus & prædicavimus gloria. Idem etenim sanctus, tanquam lignum quod plantatum est secus decursus aquarum, quod fructum suum dat in tempore suo, prout eorumdem nobis assertio facta tam viva voce quam aliorum plurium honestorum litteris patefecit, adeo in lege Domini meditabatur die ac nocte, ut ei serviens in timore & secundum Prophetam media nocte surgens ad confitendum ei, matutinis semper laudibus interesset. Missæ quoque officium & alias horas cum summa devotione frequentans, ita assiduis orationibus insistebat, ut in certis horis aut incessanter oraret, aut horas ipsas aliquando præveniret; nisi forte ipsum sollicitudo, quam super pace reformanda per civitatem tanquam pacificus vir gereret, aut occasio eleemosynæ pro pau-

peribus acquirendæ, seu alia justa causa in aliis operibus misericordiæ detineret. Qui nimis ante crucem dominicam ex assuetudine se prosternens, opus quodlibet faciendo, stando, sedendo, jacendo, ad orationem labia movere continuò videbatur. Inter alia verò pietatis opera quæ tam circa pauperes, quos secum in domo propria tenebat, curabat, & pariter procurabat, quām circa alios indigentes, quibus viventibus humanitatis officium, mortuis sepulturæ beneficium consueverat devotus impendere, diligenter exercebat, ipse à secularium hominum consortio segregatus, inter quos virebat quasi lily inter spinas, haereticorum, quorum pernicies partes illas infecit, austerus extitit aspernator. Deducto autem sic vita sanctæ curriculo, cùm ad matutinale officiū, prout dictum est, in festivitate sancti Brictij surrexisset, circa Missæ primordia idem se ante crucem dominicam more solito in oratione prosternens, dum cantaretur hymnus angelicus, beato fine quievit. Quæ verò, quot, & quanta miracula fuerint subsecuta, & quot advenientibus ad sepulchrū ejus sanitatis beneficia sint impensa, cùm longum sit enumerare per singula, unum inter cetera ad assertionem catholicæ fidei duximus expressius annotandum. Cùm enim quædam dæmoniaca mulier ad sepulchrum ejus deducta fuisset, ne aliqua fraus lateret, eadem primò fuit aquā non benedictā respersa: quæ se patienter aspergi permittens, aquam secundò reluit benedictam. Et ut res evidenteri experimento pateret, oblatam non consecratam absque aliqua præscientia sibi recipiens præsentatam, eucharistiam consecratam subsequenter abhorruit, nec recepit: quæ & meritis ejusdem sancti liberata recessit. Ut autem virtus morum, prout est superius prælibatum, licet omnis dubitatio amoveri ex subsecutione signorum per divinum judicium videretur, fide apud nos claresceret pleniori, ne miraculorum etiam virtus aliqua fraude posset vel figura juvari, veritatem rei sollicitius duximus inquirendam. Fidem namque, quā super conversatione ipsius absque figura hypocrisis fraudulentè divinum judicium, ut dictum est, manifestè ostendere videbatur, per testimonium dilecti filii Osberti Presbyteri sancti Egidij Cremonensis præsentis cum Episcopo

Pp iij

memorato, recepto ab eo firmavimus juramento: sub cuius obtestatione vide- licet juramenti ipse, qui patrinus ejus existens per XX. annos & amplius confessionem ejus saepe receperat, quæ de illius sancti conversatione præmissimus, cum ipso Episcopo & aliis supradictis ju- ratis similiter afferuit esse vera, & de obedientia quam in orationibus, vigiliis, & aliis penitentiæ fructibus, quæ sibi ab eo imposita erat, plus injuncto satisfaciens exhibebat, nos reddidit cer- tiores. Ea etiam quæ de miraculis ipsi fuerant nobis exposita, per juramentum omnium prædictorum, qui propter hoc venerant, fide suscepimus pleniori; af- fertione ipsius Episcopi sub firmo verbo sacerdotis requisita in virtute obedientiæ concurrente: ut sic divinum & hu- manum secuti judicium, cum majori procedere securitate possemus. Cum igitur hæc omnia, tam de probitate mo- rum, quam virtute signorum, ad favo- rem petitionis, pro qua Episcopus me- moratus & alij supradicti ex parte vestrâ vehementer instabant, concurrere vide- remus, de fratrum nostrorum consilio, post multam deliberationem habitam cum eisdem Archiepiscopis & Episcopis, quos super hoc ad consilium nostrum ad- misimus, de divina misericordia & ejusdem sancti meritis confidentes, ipsum sanctorum catalogo duximus ascriben- dum; statuentes ut in die depositionis ipsius, ejusdem festivitas devote à vobis & aliis Christi fidelibus annis singulis de cetero celebretur. Inde est quod univer- sitatem vestrâ rogamus in Domino & monemus, per apostolica scripta præci- piendo mandantes, quatenus ejusdem sancti memoriam, prout dictum est, cum celebritate debita venerantes, ejus apud Deum suffragia humiliter imploretis, per cuius merita ad gaudia aeterna per- tingere valeatis. Datum Laterani II. Idus Ianuarij.

ARCHIEPISCOPO SIPONTINO.

EX literis dilectorum filiorum I. Ar- chipresbyteri, P. & L. Primicerio- rum Ecclesiæ Sipontinæ, accepimus quoddum super accusatione quam con- tra Abbatem sancti Benedicti Sipont. falsò R. Clericus, Iohannes Sacerdos, & Bartholomæus Diaconus intendebant, ad eos mandatum apostolicum emanaf- set, licet iidem eum nomine monacho-

Epist. 331.
Habens literas
falsas ignoran-
tes, venia di-
gnus est.

rum & oblatorum ipsius monasterij san-cti Benedicti super multis criminibus, videlicet super dilapidatione, adulterio, perjurio, & falsitate, impeterent, pro- ponentes quod super his omnibus fuerat coram te convictus, & causa ipsa usque ad sententiam diffinitivam deducta, ip- sos tamen Clericos mendaces & Abba- tem innocentem in his omnibus inven- nerunt. Veruntamen idem Abbas fuit in tua præsentia proprio ore confessus quod quasdam literas, quas à sede apo- stolica imperatarat, in manu tua resigna- vit: quas cum falsas esse constaret, tu ipsum ab officio tamdiu decrevisti mane- re suspensum, donec nostro se conspectui præfentaret, mandato nostro per omnia pariturus. Vnde videlicet dicti Clerici eundem Abbatem, licet nec monachi sint ejusdem monasterij nec oblati, sum- pserunt materiam accusandi. Sed ipse Abbas illius falsitatis innoxium & incul- pabilem se ostendit, constanter affirmans quod nunquam ad conscientiam vel no- titiam ejus de illarum literarum falsitate per- venebat, sed eas pro verishabuerat us- que ad tempus quo ipsas, ut dictum est, resignavit. Quocirca fraternitati tua- per apostolica scripta mandamus quatenus ab eodem Abbatem cum tertia manu purgatione recepta quod ei de falsitate literarum illarum non constitut, ipsum ab hujusmodi infamia denunties absolu- tum, & eidem officium auctoritate no- stra restituere non omittas; prædictos Clericos per censuram ecclesiasticam, appellatione cessante, monitione præ- missa, compellens ut ab ipsius Abbatis de cetero molestatione indebita con- quiescant. Datum Laterani XIX. Kal. Februarij.

DECANO ET CAPITVLO
Andegaven.

Inter corporalia & spiritualia eam cognovimus existere differentiam, quod corporalia facilitis destruantur quam construantur, spiritualia vero fa- cilius construantur quam destruantur. Vnde juxta canonicas sanctiones Epis- copus solus honorem dare potest, solus autem auferre non potest. Episcopi quo- que à Metropolitanis suis munus conse- crationis recipiunt, qui tamen non pos- sunt nisi per Romani Pontificis senten- tiā condemnari. Cum ergo fortius sit spirituale vinculum quam carnale, dubi-

Epist. 331.
Translatio Epis-
coporum ad
solus Roman
Pontificem ja-
re pertinet.
Cap. Inter co-
poralia. Da-
rranias Epis-